

# ՓԱՍՏԱՔԱՆՆԵՐԻ ՊԱԼԱՏԸ ՄԻԱՑԵԼ Է «ՄԵԿ ԳՈՏԻ, ՄԵԿ ՃԱՆԱՊԱՐՀ» ՀՈՒՇԱԳՐԻՆ

15.05.2017 16:59



ՀՀ փաստաբանների պալատի նախագահի առաջին տեղակալ Էմիլ Ամիրխանյանը մայիսի 11-ից եռօրյա այցով Հոնկ Կոնգի իրավաբանական համայնքի ( փաստաբանների միություն) իրավերով մասնակցել է համայնքի 110 ամյակին նվիրված պաշտոնական միջոցառումներին, այդ թվում՝ մասնագիտական համայնքին վերաբերող միջազգային կոնֆերանսին:

Միջոցառումների շրջանակում ՀՀ փաստաբանների պալատը միացել է մասնակից երկրների միջև ստորագրվող «Մեկ գոտի, մեկ ճանապարհ» համագործակցության հուշագրին:

Այն նպատակաուղղված է 24 իրավական համակարգերի իրավաբանների, փաստաբանների միությունների շրջանում համագործակցության խթանմանը, տեղեկատվության և գիտելիքների փոխանակման հարթակի ստեղծմանը:


Հուշագրով նախատեսվում է առաջիկա տարվա ընթացքում նախանշել մասնակից երկրների իրավական համակարգերի միջև փոխգործակցության առաջնահերթությունները:

Փաստաթղթով ամրագրված են համագործակցության հետևյալ 4 ուղղությունները .

- Փաստաբանների միությունների ներգրավումը՝ համագործակցությունը և փոխգործակցությունը խթանելու նպատակով,
- Առանձնահատուկ ուշադրություն դարձնել օրենքներին, որոնք առնչվում են «Մեկ գոտի, մեկ ճանապարհ» նախաձեռնության հարցերին և դրանց կատարելագործման հարթակի ստեղծումը,
- համագործակցության ցանցի և բիզնես ուղղորդումների համայնքի հիմնումը,
- Ամենամյա/ երկամյա կոնֆերանսների անցկացումը՝ ուղղված ոլորտում առկա խնդիրները քննարկելուն, նոր գաղափարներ ներկայացնելուն, մարտահրավերներին և հնարավորություններին արձագանքելուն:

Միջազգային իրավական հարաբերությունների ժամանակակից պահանջներին և առաջնահերթություններին նվիրված կոնֆերանսում քննարկվել են երկկողմ եւ բազմակողմ առևտրի հնարավորություններին ու մարտահրավերներին, արդյունավետ հարկային համակարգին, տեղական եւ միջսահմանային հարկային ռեժիմներին, կարևոր նշանակություն ունեցող ենթակառուցվածքների ֆինանսավորմանը և զարգացմանը փաստաբանների ներգրավվածությանն առնչվող մի շարք թեմաներ:

Քննարկումներ են ծավալվել միջազգային առևտրի էլեկտրոնային գործիքների, նորարարությունների և ստեղծագործական ոլորտում բարենպաստ միջավայրի զարգացմանն առնչվող հարցերի շուրջ: Տարբեր երկրների պատվիրակները ներկայացրել են միջսահմանային առևտրի շրջանակներում վեճերի լուծման սեփական եղանակներն ու ներպետական գործող կառուցակարգերը:



```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```